




永平府志



永平府志卷之十五



總漕蔡士英鑒定

武林錢世清叅校

萊陽宋玉琬遺次

督學蔣

超較正

廣寧常文魁續補

宦蹟前

古之司民牧者代不乏人秩亦各異如領一郡曰太

守曰刺史曰防禦使曰節度使制雖不一大抵上與

朝廷宣治化下為百姓計生全則一也元明凡領一郡曰

知府佐以同知通判推官次以經歷知事照磨簡校

輔之雖時有裁留酌行沿革試因實而詳其名更因名而核以實前人命名立義至深遠矣今雖間有奉裁宜全列之以備參考云

北平太守

漢

景帝

李廣隴西成紀人秦將李信之後家世受射爲人長援臂善射訥口少言以其才氣天下無雙漢孝景皇帝授爲隴西都尉後徙爲上谷代郡雲中太

守皆以力戰知名孝景崩武帝立遼西太守韓將軍敗於匈奴天子拜廣爲右北平太守匈奴畏之號曰飛將軍避之數歲不敢入右北平廣出獵南郊見草中石以爲虎而射之中石沒鏃視之石也因復更射之終不能入石今府治南五里許遺踪尚在廣居昶籍事省約文書行陣弗正部曲勸屯墾脩戰守一時邊民安枕每考稱最所得上賜輒分麾下飲食與士共之終廣之身爲二千石四十餘年家無餘財不言家產事終年六十餘賢士大

去及一軍皆哭百姓聞之知與不知無老壯皆爲  
垂涕立祠於北平廓南之射虎處至今歲時祭祀  
不絕有子三長曰當戶早亡次日曰椒拜代郡太守  
季曰敢從驃騎將軍擊左賢王奪王旗鼓而還封  
關內侯食二百戶皆有父風

趙苞武城人爲遼西太守城厲威嚴戍遼迎母及

妻子道經柳城值鮮卑寇鈔爲所劫質以擊毘公  
率衆與敵敵出母以示公悲號謂母曰爲子無狀  
不圖爲母禍母遙謂曰人各有命何得相顧以虧

忠義也即時進戰敵悉摧破母妻皆被害詔封  
爲侯公曰食祿而逃難非忠也殺母以全義非孝  
也何面目立於天地遂嘔血而死至

國朝康熙庚戌

督學蔣公超行本府代祭其祠

平帝

邳吉信都人寧壽侯彤之父前漢末爲遼西太守

及王漢參漢公免官家居至更始時主郎於邯鄲  
詐稱帝子興起兵攻破信都執公以招彤彤不顧

會更始遣將攻王郎敗之信都得全公亦獲免至  
國朝康熙庚戌

督學蔣公超行本府代祭其祠

閔業上谷人耿況門下椽與寇恂同勸况歸漢有  
功拜關內侯遼西太守

晉

元帝

慕容廆鮮卑人幼而魁岸美姿貌雄傑大度元帝時  
為安北將軍平州刺史刑政脩明虛懷引納士庶

多襁負歸之後督都幽平二州諸軍事封遼東公

成帝

慕容皝廆之子英武有父風成帝時督都平州先是  
勒石遣宇文乞得龜擊廆皝迎攻之悉得其衆乘  
勝拔城收其資用徙其人數萬以歸又敗石虎軍  
於汲城遣使獻捷於晉穆帝永和四年卒

後魏

熙平

于天恩代罷人熙平間任遼西太守賦性中和百姓

懷之

唐

田仁會雍州長安人永徽中為平州刺史歲旱自暴以祈雨雨大至穀遂登

人歌曰父母育我今田使君挺精誠今上天聞中

田致雨今山出雲倉廩實今禮義申君常在今不

患貧後遷右金吾子歸道孫賓延三世並為金吾

將軍祀名宦

通天

鄒保英萬歲通天初為平州刺史契丹入邊城且陷

妻奚氏率家僮女丁以拒不下詔封誠節夫人

懿宗

張仲素懿宗朝為平州刺史有威望人敬服之

遼

韓德樞為遼興軍節度使釐紛剔蠹恩昭信眾勸農

桑興教化民獲蘇息後遷平灤營三州觀察使

元

大曆

劉德溫大興人永平路總管當大曆兵革之餘野無居民

爲政期年而戶口增倉廩實學校興庶事畢舉歲  
旱竭誠禱祀霽霖大至其年大稔

### 道官蹟

古者有文事即武備秦漢以來設官分職將相兼資  
如太守文秩也而漢則拜將軍爲之兵備武勲也明  
人又以道臣監之其後又推此義或以餉司加銜兵  
部或以協鎮兼理地方但事權相軋開嫌構隙遇有  
緊急互相推諉貽誤疆場不可救藥

國朝新制文武各分文司民牧以整飭地方武治軍旅以  
詰戎弭盜無相牽制各守職司何其善歟宋公第十  
四卷之題名以道府部列於古太守刺史之後在今

知府之前茲叙宦蹟猶仍之以合題名次序焉

永平道

永平舊無兵備向以薊州道兼攝之嘉靖中時值多事自薊至永延袤三百餘里地稱衝要永屬重鎮一遇有警猝難救援朝議專設監軍使者備兵永平稱爲東協薊鎮爲中協焉康熙四年改兵備爲整飭不司戎務八年四月內奉文移駐通州改爲通永道  
永平道山東按察司副使

明

嘉靖

溫景葵字汝陽號三山山西太原人三十九年任自霸州移任創制籌畫詳審精密蒞任四年練兵裕餉事愜人心立糴貯法以厚農入倉法以甦商人稽運法以清冒支設徑解惜薪司法以全活衛職脩諸營寨城堡新罷城樓七座約束軍衛寬嚴相濟居民賴以安枕公又遴入庠之士館之孤竹書院聘師豐廩嚴課鼓舞如親子弟癸亥之變總兵陣歿督撫重譴朝議以公夙望特授都御史巡撫

順天

隆慶

楊兆字夢鏡號晴川陝西膚施人隆慶三年任爲政平和近人撫恤瘡痍作興學校兀坊表署額皆出其筆陞都御史巡撫順天

萬曆

孫應元號華山湖廣人由進士隆慶四年任時坐商糴餉罄貲賠補猶擬遠戍公力白當道宥誣坐土商戍邊者四十餘家永人世尸祝之賜恤貧士加

意學校至巡視邊檄不憚險阻皆公自檢覈立除虛冒軍衛斂手牙儈裹足其剛介精敏如此萬曆五年陞山西巡撫

葉夢熊字男兆號龍塘廣東歸善縣人由己丑進士十三年任政尚寬平豁達而持大體時守臺南兵欲爲亂公設法撫定之聘舊門下生郭造鄉脩府志以備一方文獻陞山東按察司

楊鎬號滄宇河南歸德府商丘縣人由庚辰進士二十年任才猷揮霍風采歷然舊例石門產煤縣

輦送道府各署以供官用里民輓運絡繹苦累不  
支公至力禁之熟諳邊務下筆數千言立就按之  
皆中綦要遷遼東叅議尋陞經略尚書都御史  
劉澤深字警圖河南扶溝縣人由辛丑進士四十六  
年任治政剛決不容奸偽人莫敢干以私其所興  
除皆大利大害四十七年陞湖廣叅議入名宦重

國朝康熙庚戌

督學蔣公超行本府代祭其祠

天啓

張春號太字陝西西安府同州人由萬曆庚子奉  
入天啓中時值多事朝議以公有經濟才由刑部  
主事特命備兵永平一時治政琤琤有聲尋轉山  
石道以執法不阿移病歸崇禎二年復起爲永平  
兵備收復永灤嚴禁屠掠全活難民甚衆論功加  
太僕寺少卿仍請告回籍再起備兵通州不數月  
又調永平

皇清兵下大凌河公率兵救援兵屺被執堅求自盡  
太宗文皇帝矜其忠直優養十年及卒仍以禮葬之至死

留髮不薙云越今三十餘年公子伸乞骸歸葬今  
上康熙三年特

旨准從所請路經山永有慕公忠直者皆祖道焚鏹絡繹  
不絕挽詩祝文幾盈囊笥先是永人聞公死難建  
立專祠凡四區一在東郭門外百步許一在北廓  
外湯坨庄一在縣治東伏魔宮一在灤州歲時伏  
臘香火不息其德澤入人之深如此入名宦祠從  
祀公敗績時夫人盡節於永平韓氏樓中公每食  
必具筋遙遜同飡父忠子孝夫義婦烈皆出性成  
真古今所不多得者向宜受享於不朽云

### 崇禎

鄭國昌號天符陝西邠州人由萬曆丁未進士元年  
二月內任時邊圉多事羽檄交馳公應之裕如崇  
禎二年己巳季冬

畢清兵下永平四境纂嚴時議土著防兵單弱調陽武營  
卒協守歲除主客爭酒食豐嗇治兵相攻因縱火  
馬衆大譁永城遂破公策馬親冒矢石力揮武營  
兵數人復率內丁堵馬道攻射武營逃兵事已無

濟卒有勸出亡者公厲叱之回署公服西向再拜  
曰臣力竭臣罪不可贖矣乃約夫人子女闔門縊  
死公從容自盡舉火焚之事平追贈太僕寺卿立  
坊表之仍從祀武廟表忠祠

劉景耀號嵩曙河南登封縣人由壬戌進士六年備  
兵永平賦性正直不輕言笑時中官奉使閱兵有  
總監總督監視欽授等名橫甚稍弗遂意輒奏行  
逮治公獨不往謁跪揭瓦七上時稱敢言察邊閱  
操例兵備伺賂以屬禮見公乘肩輿直至演武中

堂總監出幄迎以賓禮會而公猶抗言不稍假以  
顏色永鎮各邊將士得免橫索凌鏢皆公力也督  
師孫公傅庭奉命赴山海監視倚上方劍縱護衛  
兵不守紀律聲勢赫然所過地方民爭趨避公館  
之郭外不令一騎入城行糧自俾上運給之孫公  
怒提協將知縣鄉總欲填以法公不爲禮事旋解  
而滿城避兵民得免糜爛永人德之陞山東巡撫  
所著有嵩山文集及北平名景諸書

丘民仰號石門西安府渭南縣人由舉人十二年任

公有文武才歷貴州道御史凡條議時事皆中要  
繫有聲於臺旋督勦遼兵餉輓運有方中外倚重  
以永平嚴疆簡公備兵甫下車嚴飭邊防稽覈士  
馬頒固圉錄以備城守著帥中錄以教戰攻習火  
攻諸法以資行陣講馬政錄以備征調所部將士  
樂其馳驅熟其訓練一時甲冑旌旄嚴翼生色次  
年七月內調爲遼東寧前提學道一時稱爲得人  
云

朱國梓字鄧林前屯衛人由貢士十六年任永平道

事操持耿介治政剛方慎重案牘特募役吏嚴飭  
體統屏除陋習申甲春逆闖陷京將薄永髡公高  
尚不屈掛冠長往携家赴關與總鎮吳公共爲據  
關扼要誓師拒敵值

國朝大兵掃蕩寇氛靖一寰宇公淡薄自甘惟奉毋石門  
不急仕進前任關門主事簡靜不苛有裨關政如  
建且止亭於關外以爲候關內舍至今稱便人皆  
推有忠孝廉節之實云

國朝

順治

李丕著號愚公山西平陽府曲沃縣人由丁丑進士  
元年四月內借兵永平當門革初府縣俱無專官  
公多方調護委官料理城市始知有法乘亂爲盜  
者許其首身自新嚴禁誣詰有弗革者獲之杖繫  
轅門盜風少息招撫流離民得復業公又請設寓  
學綏恤遠士立月課以鼓舞師儒凡有不便於地  
方者不待陳控即革除之人服其擔荷而樂其爽  
決陞淮海道士民感其有鎮定安輯功肖像立祠  
於南山之巔以福德神君頌之

宋 琬字玉叔山東登州府萊陽縣人由丁亥進士  
十四年任公慨慷明決遇事立剖至永首詰兇暴  
禁樗蒲嚴懲衙蠹一時奸宄斂跡境內肅然樂屬  
番後賀進保羅織良善爲地方害公捕之立斃杖  
下親鞠民間冤抑數語即決人心愜服府學兩廡  
傾圮不蔽風雨公設法重脩之添設左右角門及  
增脩東西便門與名宦鄉賢兩祠開櫺星門雲路  
其規模壯麗藻采煥然皆前此所未有也又設立

樂舞生六十四人捐脩樂器以光聖祀纂輯府志  
二十三卷以備百年文獻公素有文望所建條議  
多出人右時服其有識著安雅堂文集秦州記異  
諸書陞浙江分守寧紹台道尋進浙江廉使

康熙

錢世清字生一浙江杭州府錢塘縣人由辛卯選貢  
康熙四年任公甫筮仕即簪筆直廬周知

朝家制度典章沿革要務所在居官忠寬敏惠庶靜端  
凝所經歷皆有聲其僉臬北平也地劇土寒崇尚

省約維咨郵民隱爲務而遇事練達蒞任數年間  
凡屯田駟牧郵傳諸大政以迨城郭學校倉廩隄  
圩罔不具飭一時守令砥倅州佐亭長督郵咸承  
風化焉時有營弁訐鎮將者

奏付所司營弁方窺伺譁聞於外公從容持議既  
以伸

國法而僚屬之體不傷釋然以解又有以邪教摘發  
撫寧寺僧者公曰此特浮屠氏訛言耳律無深文  
而原詰僧撫古證律謂干重典且不測司讞者言

人人殊公覆鞠之得其平部議卒從末減又梁同  
知賄補官糧銀兩貧不能償以鍰級解任尋歿於  
官公矜恤之代措銀一千五百餘兩週全以歸蓋  
公生平持大體識量過人類如此舊制本道監軍  
有兵環衛後改歸營伍給後胥隸皆按月捐錢贍  
之代理餉司不私毫釐所部貧士悉周給之士亦  
從公如歸市鼓舞庶司嘉善而矜不能未嘗受賂  
遺一錢祠廟載在祀典有關風化者亟脩葺之吏  
治民安上下恬然享和平之福咸戴若父母云尋

移駐通州道銜加通永自公始康熙十年大計  
朝議公爲天下道臣清廉第一本年七月內特從所請  
予告養親時以忠孝廉惠稱去之日商民吏役攀轅涕泣  
如失怙恃議入名宦祠崇祀

崔誼之號老山平度州人由壬辰科進士康熙十年  
十月內任通永道事公初筮中州令愛民禮士持  
廉而多惠政以卓異行取民部操守清慎佐理精  
勤轉郎中未幾特授通永道僉事公賦性寬和御  
下仁恕治政明決體恤屬僚惠愛百姓凡鞠理民

詞虛公執法不阿不徇念各屬衝繁不輕差役以  
滋煩擾饋送悉屏絕之時以廉靜聞

山石道

明

崇禎

范志完河南虞城人由進士十二年任公多材藝優  
幹辦任事三年百廢俱舉峻城濬池寬徭勅驛鼓  
舞行伍作興學校崇秩祀獎節孝救荒恤困一特  
政治為之政觀陞山西巡撫擢總督時不可為未  
得以功名終士論惜之

國朝

順治

呂逢春滿州人由城守章京擢陞山海道三年任值  
定聘初士子服色雖定奢儉未盡合式公屢任初郎  
留心學校捐俸先製頂帶披領及藍衫四襲照依  
新式其赭紋章縫曲盡其制以範多士諸生服之  
彬彬文雅頌然改觀至今效之遵為程法七年陞  
大同左衛右叅議僉事

永平戶部分司郎中

明末永平設有監軍稱為畿東重鎮號曰東協因兵  
設餉士馬芻餉俱取給於薊州往返千里士卒苦之  
嘉靖四十二年用巡按董公堯封議令設戶部分司  
於永平以專理之便以部劄提調各省額派銀兩以  
其呼應靈也事係軍與宜繼兵備道附列焉

國朝順治九年仍移駐薊州後亦裁

明

嘉靖

程鳴伊字希正號消溟山東安丘人四十四年任勅立永豐倉厥脩建衙署助糧以脩學宮捐俸以恤寒士爲分司題名碑記大意俱繼先任郎中呂公霍經畫舊制可稱蕭規曹隨董蓄張發也陞山西大同知府晉太僕寺卿

### 隆慶

許守謙字子受號益齋直隸藁城人由進士隆慶四年任嘉靖時充商者悉蕩產賠糴後誣坐侵欺充戍四十餘人公力爲辯豁人皆戴之歷兵部

宋 豸字思直號直菴直隸容城人由進士五年任時議蠲商未決公知應者苦逐一蠲之有利於永陞汝寧知府至運使

### 萬曆

馬瀚如字紆之號抱白陳留人由進士十三年任時罷歲租甚數議僉商糴買以實倉廩永人駭愕咸鬻產爲逃避計公如廣開中法令鹽商輸粟各倉不用土著而僉商之議寢矣人俱德之

陳名華字誠甫號章閣晉江人由進士九年任文望

素著申明不用土商之令客兵屯海上擾民請撤之士民立石以頌二十三年調禮部主客司郎中李開芳字伯東號還素福建永春人由癸未進士二十年任博學通才出納明允善屬文精隸篆公署祠宇表額多出其手

黎芳字蘭谷四川丹稜人由進士寬厚博大軍民並戴東征煩費支應有方重脩永豐倉以儲兵餉陞陝西兵備副使

### 泰昌

宋繼登字先之號子亭山東萊陽人由進士萬曆四十六年任脩理倉廩設立銀庫以專責成收授稱平力豁僉派軍民戴之泰昌元年陞淮津海運兵備道

### 天啓

方岳貢字四長號禹脩襄陽穀城縣人由壬戌進士六年任公氣仁性廉凡倉庫錢穀出納絲毫不取餘羨有逋戶解比者不事敲朴惟勸令速輸而已諸生有以文藝謁者給燈火厲課之其日用蔬菜

專人檢點無使濫費嚴杜借扣放餉刻期不爽凡  
遇屬員吏役平易近人一時同事各寮屬咸以長  
者重之陞松江府知府尋陞督糧道時有以受賄  
誤謁者當宁廉知其實廷質加陞都御史尋入內  
閣未幾乞駭歸囊篋瀟然授徒自給門生故吏道  
經穀城脩謁衣文綺者拒而斥之所親有恠公拙  
於謀利者公付之一笑其廉介如是

國朝

白芬字倚若河南武城人由舉人八年任公剛果  
有爲御下明決嘗自謂云興一利不若除一害甫  
下車嚴飭倉庫示各役出入勿濫門下員役稍有  
弄法者悉痛治之積弊頓清放餉按月支給無預  
支無過期出入權衡皆出自較軍民愜服所著有  
四書幹程墨然諸書以教諸生順治九年移駐薊  
州而永平餉司自此裁矣

山海兵部主事

明

天順

楊 琚江西泰和人由進士五年任公練達庶務凡  
舉措一中典型關法自譏察外無少留滯人咸稱  
便時衛學始建拘行伍子弟克諸生皆以爲厲已  
弗樂公雅意作人士習用變如鄭侍御親蒙講受  
卒成大器至今士民稱頌不置

弘治

張 愷字元之江南無錫縣人由進士二年任公操  
持嚴介有水槩聲聞舊法止驗籍與年公始稽貌  
以杜詐冒之弊至今因之其待士惠民外內一致  
雖黠詐者亦不忍欺其平恕如此

黃 繡號文卿江南靖江人由進士五年任公宅心  
平恕政尚宜民時關內薪水頗遠居民仰給關外  
公給木牌懸之出入樵汲甚便公絕有目力一經  
覩記終莫能眩遇詭稱牽絳求合繻者一見輒指  
摘之卒無敢欺啓閉有常期雖祈寒暑雨及他務  
叢集弗爽代去之日男女夾道遮留車馬至不得  
行後轉巡遼東耳經其地居民依依不忍捨去

嘉靖

葛守禮山東德平人進士十年任公平生敦禮法謹  
言笑褻躬範物一準古道至取與尤嚴一介關法  
肅然時典章草昧自公始行鄉飲風厲耆德創立  
養濟院著爲令俾獨賴之

萬歷

張時顯江西南城人由進士二十三年任公長於治

才精覈整肅重修關志俱出親筆主裁學識瞻雅  
時征倭總兵陳璘幕下鼓譟賴公撫定一字獲寧  
來儼然陝西三原人由進士二十九年任公居官端  
重嚴整時稅璫高淮煽虐厚幣餽遺公盡卻之迎  
送過客不與同事至有害於民力爲解釋淮亦畏  
其清鯁不敢縱惡任未久卒於官士民痛之西羅  
城外龍王廟後建有專祠

邵可立陝西商州人由進士三十六年任公廉直剛  
斷道學入闕加意人文建文昌書院購古今遺書  
克之俊彥鼓篋其中而受指南鄉會兩榜發者彬  
彬值歲饑公令屯官清絕產置牛犂分給婚不舉  
者衛有布花之施貧不葬者普濟會有棺木之給  
嘗三劾貂璫四減關稅修鎮東樓工師苦無大木  
忽海上浮若干至及落成無贏餘者亢陽不雨公  
三禱三應正直清惠格於神祇士民咸嘆異之

天啓

陳祖苞浙江海鹽縣人由進士五年任公一日坐堂  
上忽有羸馬自關外闖入伺堂長鳴公命人尾之

至一家直入跑地得屍廉其圖財致命狀抵罪死  
有四人失路引回關中官竟以奸細論公執不可  
竟得放歸以此致忤罷去後復起東門甕城伏魔  
官側有專祠公遺像在焉

知府

明

永樂

馬負圖山西臨汾人十年任牧御有方脩舉廢墜百  
姓戴之如父母陸山西布政

正統

李文定臨海人由進士五年任遇事立辨剛果有為  
脩建黜學殿堂齋舍及鳴遠樓皆極壯麗陸福建  
布政使

成化

王璽陝西盩厔人由進士四年任公率屬潔已愛民嘗闢祀學基墟奏復夷齊廟請賜額及祀典祭文時論偉之入祀名宦

弘治

吳傑江南揚州府江都縣人七年任首崇祀典繕治壇壝灤漆二河船夫歲用千餘人百姓苦之公悉力裁減如制舊有志永樂初年失之公下車首訪得一篇殘缺舛訛乃屬致仕行人張公廷綱教

正德

官吳公祺率諸生脩之培植學校時稱師帥之冠何詔浙江山陰人二年任時中貴王宏鎮邊踞視羈邑長吏謁者如屬官公獨不往其所誣盜成獄者十有四人竟出不坐羈有叔殺人而賂見知者移罪於侄獄成且二年公一訊立辯釐宿弊均糧後即奸胥老吏不能索一錢興學校勤考課聞毋艱去百姓皆追送泣別立去思碑入祀名宦歷官工部尚書

嘉靖

張 玘山西石州人由進士二十五年任下車即釐剔宿弊凡事有不便於民者悉力除之置脂膏簿頒示各屬吏無敢擾民立孤竹書院以風勵士類集文行優者肄業於中拓夷齊故城脩舉廢墜如制祠成編志畀守祠者世守之陞酒泉兵備尋轉薊門巡撫入祀名宦

廖逢節固始人由進士四十三年任設立木鐸自府治達閭巷晨昏以六諭號詔之有崇古化民之意時左道盛行結衆釀亂公罪其倡首者衆始解散其自奉衣不羅綺食不兼味設義倉編保甲立鄉約勤蒙養息訟緩徵與民休息蒞任三年芝產後庭四十五年陞山西副使

萬曆

顧 襄浙江餘姚人由進士二年任歷事精明劃如風雨公聞不假胥吏援筆數千言立就聽斷獄訟一見即決庭無留繫盡革贖鍰等弊時各衙門僱差驛遞僱役爲時大累公嚴禁止之小民十省七

八灤州書後傳中江輩舞文遺螿立柱斃之其執法如此一時境內吏治肅然

任 鎧山西平定州人六年任時料丈田地公以小民無知十止報九當罪者衆乃新製步弓比舊暗增五寸俾執以度則地視前丈分数相合衆俱免辜存心寬厚御下不尚鞭笞時論稱爲仁厚長者建南門樓憑虛閣陞寧夏副使

陳維城山東丘縣人由進士十五年任操守廉清衣履若寒士衛餘僉大戶徵收立致罄產公決議以

收納事盡責各衛首領著爲令甲舍餘得甦又嘗留心罷乘輿司李沈之唵聘閩名士徐造卿重脩百年曠典陞山西赤城道副使

高邦佐別號表白山西襄陽人由乙未進士初履任

即謝絕填宅供應所需日用薪米悉與平值文移朝進暮發無閣停者輸內盡去羸羨官衙如水胥僧如繼聞有書手朋匿糧地尋稽得其狀入籍而賄財飛詭無所容兩巨商重辟闖牽問者逡巡久不決一經平反人心皆服權稅六屬分認歲爲額

每苦爲累不難以公用抵補折大璫高淮誣搶驛  
卒及士元毒噬良善公皆全力挽救之朝覲不用  
郵遞夫馬禁加派甦凋敝惠政纍纍永人立石誦  
德陞天津道副使

徐 準山東新城縣人由進士二十四年任明通多  
智料臨事爽決動中款緊時倭警方熾海防單弱  
公請兵二千海防一時恃以無恐倭平仍申文撤  
之又奉調征倭兵十萬由永渡遼供需飛輓增派  
地丁銀若干倭平悉飛告減復如舊六屬歡呼一  
七年陞遼東海蓋道山西叅政

天啓

陳所立字如有福建長樂縣人由舉人二年任性嗜  
經術甫下車即於府治後建立書院以清聖主於  
中政事餘集諸生較論文義終日不倦每囑教官  
勿因拙於文者棄之講學正以激勵其不學者甫  
半載諸生皆發憤螢窗兢相執經問義士有文行

俱優者格外禮遇之仍彙卷報院准置高等每歲暮各給燈火炭資以勵其學諸生益奮三年之間士無賢不肖皆彬彬可觀北郭外泔漆二水滌滙夏秋漲輒嚙城趾公乃設法自拱辰門至菊花臺橫築磚隄里許障之傍植柳堤內栽蓮芰以資民利公又穿井通衢以濟道渴今遺趾尚在著有北平詩賦諸集書院題名石板名景鑄石猶存

### 崇禎

張鳳奇山西陽曲縣人由舉人元年任蒞任初即值

羽檄交馳軍需旁午公脩補廢壘設備芻糧爲國圍計二年己巳季冬永平戒嚴公悉心捐募鼓勵軍士又出庫銀俾頭以餉鄉勇三年庚午永城不守公盡出所有散諸行市及輿隸命其自盡後代爲焚之乃咽藥而歿夫人闔門雉經事平贈光祿寺卿從祀名宦

彭份字洗存江西南昌人由舉人十三年任公賦性慈愍留心疆域甫下車約法三章首嚴填設懸鑿中門民有冤抑者任其不時申訴築敵臺以固

東園脩泊岸以障西河前官遺逋累公鏤級者六  
矣終不遺一騎以督各屬歲祲蝗不入境永人有  
秋盡數年逋欠爭相效輸公得盡復所鏤級彙童  
子試聚同官於察院考畢即封門謝客公閱試卷  
榜發始返署既不濫收亦不多送是歲寒微得入  
泮宮者倍常脩補府縣學宮設處二千餘金並未  
擾及民間庚辰大饑米價騰湧流民萬計趨永就  
食者僵仆載道公措處禱禩設厰煮粥擇脩空舍  
爲暖屋以居之所全活甚衆車騎營兵乘夜鼓譟

公戒守柵扼巷始開門擊之謀兵以無內應宵遁  
城中得免屠掠時服其有擔當而快其有定識云  
陞貴州道副使

國朝

順治

馮如京山西太原府振武衛人由恩貢元年任值開  
國初以本府同知人地相宜擢授本府知府彈壓  
變亂招集流離申請創立寓學以恤遠士革除明  
季陋規以撫瘡痍六屬欽服士民愛戴二年四月

內陞榆林道副使歷廣東江南左右布政

李日芄字培原遼東籍滿州人由生員二年任懲接  
克革濫派吏不能爲奸陞霸州道副使歷官操江  
都御史卒於官勅賜祭葬謚

李中梧號燦宇遼東遼陽人三年任公厚重少文不  
輕顰笑居官廉明有威不避豪右有以鉞刃斃人  
久未成獄公命以穀草炙鋤血跡儼然乃脫呈誤  
者於獄坐實殺人者有富民執舊券理父逋公詢  
之得實其人愧服願還券自贖公義其行賞千錢

鼓樂導出之其恩威並濟如此陞薊州道士民攀  
轅泣送自永至薊凡三百餘里絡繹不絕歷湖廣  
按察司告疾回籍大計天下清官第一

康熙

彭士聖字青琳遼陽籍正白旗人由舉人元年三月  
內任脩孤竹城夷齊廟灤水泛漲飄集柴木無筭  
適供應用亦屬神異云但毀祠中古今聯額及延  
僧建庵恐非兩聖心也

李興元號時滋字若始直隸順天府遵化縣籍滿州

人由丁亥貢士五年任捐俸脩本府學宮自正殿  
兩廡戟門泮池橋梁以及櫺星門明倫堂抱厦脩  
補一新舊制永平譙樓爲六邑中樞屹然傑立遠  
近具瞻歲久就圯公多方勸募凡六閱月增脩如  
制巍峩壯麗煥然可觀又濬挑久沒古井重脩近  
郭野疇祠是歲蝗不入境祈雨輒應士民公爲立  
石以德之所著有雲鶴軒詩集七年陞長蘆鹽法  
道

陳丹字自脩號頑龍淮安府山陽縣人由辛卯舉

人七年六月內任公文武兼資天文遁甲輿圖行  
陣無不精曉初仕鄧州及守廣西潯州以循良稱  
具憲三楚好持矜恕以失出左遷永平下車即盡  
撤地方供應還各屬仍出示嚴杜侵冒留用什物  
見給市估價值治事精勤一切文移詳稿朝進夕  
發立限編號約承辦者不得踰期叢弊嚴絕餽送  
絲毫不染署內另舍自居僅可容膝日用蔬水悉  
與寒士無異未幾卒於官六屬士民如喪考妣從  
祀名宦公以武科起家即仕淮安總戎從事辛卯

重入太學應舉子業父子同榜士論榮之初歸誠時

世祖章皇帝賜以宮媛羅氏公詢其家世知是士妻養爲已女逾年訪其夫還之長安士大夫爭爲詩歌以頌其事

蔡興周字姬楨遼陽縣人由鑲黃旗丁亥貢士八年任初令完縣治政有聲行取御史歷叅議八年遷知永平府事未入境恤念民艱即發銀委員置辦應用器具禁止填設以清科派之原勵精圖治敬

士愛民潔已秉公斥抑豪悍治政公恕不苛至聽訟得情而止和從民便一應文移不差衙役州縣得以安靜凡遇緊急公文止署限期州縣懼差繁擾如限遵報案無沉閣快皂兩班衣不完體食不充腹衙蠹盡消其能洞剔時弊如此

唐敬一字耕留四川成都府城都縣人由甲午科舉人十年十一月內任北平向稱繁衝公於諸務悉心料理禁革鋪墊陋習勸民休息詞訟嚴飭吏胥不輕差役事關重大間有鞠理者必兩造集庭虛

公詳訊得情方止訟者交相愜服至於勸學課藝  
品隲精詳談文亶亶多所啓迪士心預附黠童子  
試矢慎親裁論文前後其名不徇情以倒置上下  
一時寒微稱快壬子夏亢旱不雨凡三閱月土熱  
禾焦百姓惶懼公捐貲設壇早夜路拜仍三致告  
文以問守土之神凡五日霖雨大至前推官太平  
府卽命招撫安南軍功丕著特陞長安二府繼補  
臨洮同知去之日兩郡士民俱稱頌之十四年陞  
洮岷道副使副使

常文魁字月生號獨占廣寧人由正藍旗戊子科貢  
士十五年十二月內任

三十四 三十五

知府

康熙

韓章字桐庵湖廣漢陽縣人由恩貢元年任收授糧芻不受額外羨金丁內艱歸行橐蕭然牛車一乘僅供芻秣而已補陞廣西南寧知府

梁泰來字吉人江南壽州人由舉人康熙四年任學識優長治政簡當經理糧儲收授惟慎奉批詞訟公以執法署本府篆推誠待物廉靜自持留心親乘禮士脩補時以厚重長者稱之惜用未究九年

以携級去

羅京字周師浙江會稽縣人由內秘書院中書舍人陞授九年任歷事慎重治政公恕清覈倉糧嚴飭胥役敬賢禮士廉介有爲聽訟爽決不阿不徇至民間利弊每虛公諮詢有糧頭積逋鬻女完欠公矜憫之代爲完償令贖女以歸境內無告斃子嘗捐俸賑濟公有督捕責灤與昌樂濱海寥濶軍民雜處盜賊繁興居民苦之公設方畧移檄防汛官兵時勤警備萑苻斂跡民獲寧息劉家墩駐防

賈守備恪供職司防禦有法公核其實具詳

院憲請給鞍馬以示勸勵一時防守諸營路傳爲盛事秣馬勵師皆以防汛爲務咸公鼓舞有方力也代管關篆脩舉廢墜愛士恤窮嚴飭輕生澆俗丕變關民戴之拾壹年拾月丁外艱計聞哀毀弗遑爲文自責一時同城文武及紳士商民哭臨焚鏹者殆無虛日爲誄文以挽者接踵焉其得人心若此皆從前所未有也

山海管關通判

明

崇禎

楊棟和雲南大理府人由舉人二年任爲人方正不肯俯仰數精鑒識余儀部初爲童子試公即以大受期之勉望諄至以不得於上官移病歸

國朝

順治

劉觀瀾河南洛陽人由拔貢十五年任時當

鼎革悍卒抗衡頑民狂逞公勞心撫御憂憤成病卒於官  
貧不能歸關人爲歛貲付其壻張生扶襯還里士  
民哀之

康熙

陳天植字培生浙江永嘉縣人三年正月內任分理  
關政簡靜不苛治政明恕與民相安脩學宮廊廡  
及同助脩山海關志九年陞西安府同知

安達里字羨之滿洲籍廣寧縣人由正紅旗都統下  
筆帖式哈番加一級十年四月內任潔巴持公治

政寬猛兼施待紳士和而有體至臨民明決不苛  
巖關倚重

推官

推官者一聽之官評藉以論定訟獄賴以平反仕宦之功名百姓之性命係焉固不重歟

新令雖奉裁恐虛其款而致將來之無徵也因附錄之以備考云

明

萬曆

喬學詩山東東阿縣人由進士五年任公嚴明整肅人不能欺順天屬邑有匿官用銀數千金以虛批

應查數年罔覺公一見發之衛官徵收徭銀耗用  
貧苦無告公建議令徭銀輸於各衛首領允為良  
法行取補刑部主事

沈之唵浙江湖州府烏城縣人十三年任公扶持義  
類綽有擔當丁亥灤水災縛筏拯溺散粟賑濟生  
全甚衆督脩水圯城垣增脩下水關瓮城鞬南關  
明灤門一時才猷四應當事偉之擢南京給事中

崇禎

羅成功高要人由舉人本年任歷崇禎三年永城不

崇禎初年任歷崇禎三年永城不

守公慷慨盡節視死如歸事平立坊表之仍從祀  
表忠祠

韓國植涇陽人由進士四年任罷當殘破之餘士著  
稀少流寓甚衆人文寥落士氣衰靡公查府治後  
已廢孤竹書院粗加脩飭延請罷士友中有文行  
者董厥事使鳩民間子弟肄業其中仍以東郊外  
營房隙地九十三畝為學俸永罷至今食其福利  
云

衛周祚字文石山西曲沃人由進士八年任公持身

清介聽斷務崇平恕故一時長吏感其陶鑄兩造  
對簿咸自以爲不寃行取擢部主事

皇清歷官少保兼太子太師內院大學士

國朝

順治

劉萬策字全菴山東蒙陰縣人由恩貢二年任操守  
廉潔儉靜不煩其衣不數浣不易日用飯食惟蔬  
食菜羹而已陞陝西延安府同知

任暄猷字羨君息縣籍正白旗人由進士十七年任

治政嚴敏不畏強禦聽訟虛心觀理易氣審情真  
僞曲直一見立決凡胥役拘提吏書承辦不敢留  
難以公能洞悉猾胥故民無寃滯康熙六年奉裁  
轉補

順治

尤 侗字展成江南長洲縣人由選貢九年六月內  
任公學識優長治政明決時文武屬員賢否俱由  
推官品騰凡溺職者每直觸無私優禮學校訓課  
多方每進八庠師儒具飡督課或嫺古作詩賦或

長於策論表判者因材鼓舞人文奮發士習丕變  
一時稱爲盛事云十三年以執法不阿調任去刑  
行廷試卷臨場藝小草及北堂秋夢北征軸五九  
枝譚西堂雜組諸書至今快炙人口

經歷

國朝

康熙

劉德玉陝西西安府華州人由儒士十六年六月內  
任臨事詳慎文移字畫亦皆檢點工緻咸有能聲  
三年陞浙江處州府宣平縣知縣

俞 獻浙江寧波府慈谿縣人四年二月內任佐理  
堂政持重明練至於奉批訊理詞訟不蹈冗員陋  
習必虛公執法

聖駕東幸奉委脩路及築搭橋梁調度有方奉公惟謹所  
在稱能亦府首領之瑋瑋者

司獄

國朝

康熙

倪繼徐福建福清縣人由吏員順治十八年七月內  
任英毅有爲優於幹辦督脩本府譙樓大工揆度  
規畫先勞不息半載工竣樓高屹屹金碧輝輝百  
年大觀一時壯麗至司理犴狴重視執掌謹慎不

教授

罷設廣文上爲

朝廷宣教鐸下與諸士立儀型明倫之任風化攸關厥典  
甚重元明以來咸謂學校乃人材所自出之地簡令  
翰林克之成弘而後易以明經領以教授一佐以訓  
導三掌教生徒各分廩增四十人附學無數法制甚  
備今簡其有行脩學廣足以垂範將來者詳註其蹟  
庶墮武者有所矜式焉

明

萬曆

葉崇賢廣寧衛人二十一年任公操持有守周恤貧士故事諸生有歲時束脩新生有贄見禮皆力却之時稱其廉

國朝

順治

陳丹字孩赤順天遵化縣人由貢生元年九月內任值定鼎初干戈甫定人文寥落公每於試期集州縣有文望諸生較課鼓舞乙酉開科多有孚其月旦者人皆服有汝南之識云四年九月陞國學助教歷江西恤刑

王美順天府昌平州人由歲貢十一年十二月內任公識見超卓臨事明敏各憲司有緊急公務任使乏員皆委公攝行事果得濟上下皆服其安靜而羨其有幹才啓聖宮頽壞請申脩補公先勞鼓舞工程立竣凡軍民以事詰諸生者公收牒斥逐之封牒付本生令其自省時進諸生講論經史獎其所能而進其所不及人以方李宗思常濬孫云

秩滿陞郟師縣丞

蘇之屏字翠石順天府良鄉縣人由歲貢十三年七月內任公事母孝謹每歲請額金脩理學宮多方補葺事竣支銷如數惟求內無愧於己心上無愧於聖賢其廉介如此十四年陞福建建寧府建安縣知縣

康熙

李含春字梅谷順天府通州人由進士十七年任公學識清古訓課精勤諸生有執經問義者必虛心講解終日不倦晉謁者如座春風中不見有嚴厲色制有樂舞諸生與祭時公必詳考禮明樂備以崇祀典其恭慎不忽如此有選刊程墨名文以教諸生至今行世以爲後學津梁元年正月內丁艱去永士至今忻慕之

謝國擢字心齋直隸延慶州人由貢士四年任時值新更策論七年又改正八股兩變文體奉檄月課諸生嫻習制藝公必慎重廼事每具壺飡進諸生畢窮日力至較射武諸生俱備賞格多方鼓舞以

副上意其教官住宅廢圯年久司教者皆僦民房  
居之時武學歸併公就科正宅遺趾重脩凡住宅  
側房大門二門及墻垣俱脩葺一新咸出首藉之  
餘人所不及九年請告回籍

紀五典順天宛平人由舉人九年三月內任清古自  
持推誠待士理課精勤檢束群下其積習陋規槩  
弗責備醇以平恕爲範鐸云至諸生有緣事者庶  
其不辜每矜恤之人咸以長者稱康熙十六年諸  
告回里

明

訓導

成化

殷 衡山東歷城縣人公學行優長有鄒魯遺風以  
三禮誨生徒捐俸置紙筆油燭資之永平甲第彙  
徵多其教益毋性嗜魚扶輿迎養值灤涸公祝河  
水漲魚躍後辟爲德莊王審理王政多所裨益卒  
贈禮部尚書兼武英殿大學士入祀名宦淮南王  
公世貞爲文鐫石以紀其勝云

國朝

順治

符永培奉天府蓋平縣人由貢生陸年任持行恭謹  
治政公勤御士明恕而士亦多受其陶鎔之益歷  
任八載兩署灤篆不輕差不擾民百姓感戴去之  
日置萬民帳以頌其功德云

山海衛儒學教授

明

成化

李英江西饒州人由歲貢嘉靖間任公潛心聖賢  
之學每事務躬行實踐期可盟幽獨尤以師道自  
任教人不專事舉子業對諸生燕坐談理道辨義  
利諄諄不倦徒輩有能厚人倫尚禮義舉者獎進  
不容口後聞兄訃哀毀踰禮見者感泣因觸時政  
竟棄官歸乃賦詩云來時行李書一束去時行李

一東書孤竹二君今始別清風百世竟何如當時  
與胡敬齋先生齊名西江至今推理學必曰胡李  
云

教授

國朝

康熙

錢裕國字園府順天府人由舉人六年十一月內任  
敦厚持躬忠誠垂範虛公訓課諸生多受其資益  
攝府庠篆值催補郡志宦蹟之成尤賴其指南云

訓導

明

嘉靖

張倫山西沁水人由歲貢十五年任公視躬嚴整

誨人必以聖賢誠正脩齊爲事每歲取得博士俸

及春秋祭肉悉捐賜貧士朔望振鐸諸生森森就

業毋敢惰者以故爽李成蹊最貴顯者劉太僕鄉

復禮而府縣官正佐出仕者不下十餘輩皆其衣

鉢焉

灤州正官古宦蹟

刺史

金

天德

尹京本名忽魯以宗室子累遷天德二年除翰林

學士承旨兼脩國史加開府儀同三司遷工部尚

書改判大宗政事封曹王除河間尹正隆二年例

封潘國公北京留守以喪去官起復益都尹後坐

違例降灤州刺史

夾古查刺隆州矢撒古河人父謝奴官至工部尚書  
公狀貌魁偉通屬國語言文字天德初以蔭克護  
衛二年授武義將軍未幾擢符寶郎再考出爲灤  
州刺史

僕散揆本名臨喜以世胄尚公主爲近侍奉御以與  
外人竊議罷歸田里尋起爲灤州刺史

### 節度使

元

至元

鮮卑仲吉字慶仲其先中山人避石晉亂徙居灤居  
家尚義敦孝後膺選勇敢寇陷灤公率土兵吉巨  
昌等平之州佐楊溟王欽等共推公權領軍事至  
元丁丑命爲本州節度使兼管內觀察使元帥右  
監軍時軍興歲洊饑公率民務耕織境內恬然是  
年秋進金吾上將軍授金虎符同諸將討信安水  
軍辛卯爲兵馬都元帥將四行臺六總管行軍多  
謀畧不嗜俘戮全活鄭宋徐燕韓趙之民甚衆按  
元史初元兵定中原率平灤路詣軍門降太祖命

為灤州節度使從阿木魯南征克右副元帥以功  
賜虎符授河北等路漢軍兵馬都元帥平蔡有功  
加金吾衛上將軍與平路都元帥右監軍永安軍  
節度使兼灤州管內觀察使提舉學校

國朝康熙庚戌

督學蔣公超行本府遣本州代祭其祠

知州

孫明至正四年任大寧人英銳不拘小節好學能  
詩以明經任山北憲司幕遷知州刑清政舉脩學

養士州人賴焉

明

洪武

李益謙德州人由人材三年任當草昧初城墉官署  
學校祠宇多所肇立任九年

永樂

陶安常熟人由舉人十七年任吏事精敏每農時  
出郊勸農在任三年境內殷富後致仕去民追思  
之

宣德

李寧廣東南海人由進士六年任詞貌莊嚴衣冠無替精吏事行移皆自屬九年民無怨言

正統

稽昭崑山人由進士九年任剛介不阿以廉靜自守博學善楷書蒞民得體既去民不忘焉

景泰

蔡願福建長泰人由舉人六年任廉履勤慎法令嚴明吏民畏敬

成化

楊萬南昌人由進士十五年任博學雄文脩黌宇鑄祭器作新學校有成都文翁北州伏氏遺意

李智曹州人冢宰昂之子由舉人二十一年任廉明公正吏民畏服以內艱去歷官知府前後清操如一

弘治

呂鑑字世重山東鄆城人由舉人十年任公在任輕徭薄賦興學育賢先是漕稅輸邊民多苦之公

特建白改運近地灤人至今德之

汪 曉字孟哲六安人都御史霖之子十三年任平

易近民民不知苦擢福建泉州府同知

正德

高 堂字升之陝西米脂人由舉人十四年任廉明

謹惠脩學造士士人頌之至

國朝康熙庚戌

督學蔣公超行本府遣本州代祭其祠

嘉靖

趙 葉字子玉浙之東陽人由辛巳進士七年以建

寧同知左遷至灤勸農捕蝗興學課士陞部郎去

士民思之樹碑於道

張士儼字敬思內江人由乙酉舉人二十年任性純

雅政尚慈惠賑饑民葺學宮陞保定府同知

陳士元應城人由甲辰進士二十四年任作公堂造

祭器賑饑脩倉名宦鄉賢脩灤志書為一時文獻

張 璜海豐人由辛卯舉人二十八年任脩養濟院

治橋梁疏灤河濬濠渠環城植柳士民追思崇祀

名宦

韓應春荏平人由舉人四十一年任朴茂廉明釋誣坐軍四十名灤民懷之撰碑立祠

萬曆

陸從平華亭人由進士十年任勤慎精敏革積役裁浮羨歲省數千金陞臨江府同知

白應乾博興人由舉人十一年任親編徭役築環城短墻以資守禦

張元慶山陰人由舉人十四年冬任歲饑煮粥全活

萬人

劉從仁解州人由貢士二十一年任威惠並宣庭無留訟繕城濬濠脩學宮造祭器不踰年百廢俱興

時稱循卓

張堯輔宜川人由舉人二十三年任性耿直愛民如子以巖誣去公論惜之撰去思碑

何士偉隴西人二十九年任誠心愛民積穀備荒廉明特著

孫慈蘄水人由舉人三十四年任裁冗費革浮役

墾荒田柳強暴去後士民思之立祠撰碑

林養棟番禺人由進士三十六年任不畏強禦遭流

謫去後起工部公博雅善詩文精隸楷今偏涼亭

尚其遺跡云

李喬嶽南鄭人三十八年任真心實政始終如一陞

河間府同知

周字武都人由進士四十二年任賑饑捕盜續脩

州志

崇禎

深州知州

楊 煉銅仁人由舉人二年任庚午

皇清大兵克永平州人李際春以城降士民驚竄首領廣

文俱逃公拔刃自刎沒予贈蔭專祠

栢之煥蓋州人由舉人四年任兵燹之後脩城隍練

鄉勇製造火藥神器訖今鼎革守戰資用不盡

馮如京代州人保舉恩貢十二年任居官清介有惠

政常革老人應驛之苦立法攢槽至今賴之任陞

永平海防同知歷官至廣東江南左右布政使子

雲驥進士見任戶部主事能詩

吳方思武進人由進士十六年任以卓異行取尋奉  
旨留守邊缺在灤一年陞南部去

國朝

順治

孫維寧青縣人由歲貢元年任初授本州訓導甲申

三月

王師平闖逆過灤率士民出迎賜袍帽擢本州知州尋調

延慶歷任府同

鄭伸錦州人二年任推誠待物一介不取時奉

旨圈田力護近城園舍晉大同僉事歿祀名宦

王光晉字康侯遼東人由貢士五年任公蘊藉儒雅

英年美質曾中東省副車以廷對爲守天資明敏

一切簿書毫不假手胥吏代灤賠墊逋課千餘金

報成擢蘇州太守舊人中龔遂卓魯也

蕭如芝瀋陽人由貢士十四年任因公左遷山西汾

州府通判

石鯨武陵人由進士十六年任擅詩文草聖以榜

責投充人奪官瀕行番橐士紳醵貲以備行李

康熙

陳鍾斗古田人由辛卯副榜四年任以逃人誣誤免

官州民叩

閻辯復補徐州陞長沙二府

李漑之長山人由廕生六年任鞠盜得實病不忌噐

坐誣去士民思之樹碑記德

灤州佐貳宦蹟

明

正統

楊雄字永和沂水人十二年任公生而聰敏九歲

通書算十五精吏學在任庶靜有為脩城濬濠懋

著政蹟以內艱去州人懷焉

嘉靖

魏謚汝寧人由舉人六年以員外謫陞本州知州

尋遷代府長史

陸府興化人由官監九年任政聲赫然考最居上第未幾乞休當道嘉其志多贈以詩去灤人思之列像於碑

崇禎

劉文龍高陵人保舉貢士十四年任清靜愛民人稱循異陞柴溝通判

皇清補彰德府通判尋陞宣府同知以老請告授徒講學不入城市優游自娛年八十無恙

余紹魁廣東人由恩貢十六年任

皇清擢東城兵馬司指揮晉戶部員外郎累差糧儲國朝

順治

趙鍾瑞本州義豐社生員元年

王師過開平召用尋陞杭州府通判

史在德山陰人由拔貢十三年任持身醇謹雅善古文辭永屬公私辭命多出其手以代庖邑篆註誤去士民惜之

康熙

鄧天棟字華嶽遼陽人由監生二年任歷事詳慎治  
政敏練其識力擔荷皆出人右至代攝各州縣印  
務咸以能稱之

判官宦蹟

明

永樂

郭讓益都人十五年在灤州設管馬判官自此始

弘治

商良臣淳安人由監生十五年任催徵不擾脩學有

勳

嘉靖

蘇木廣西陽朔人嘉靖丙戌進士十六年任公英

敏篤學善篆隸嗜古典三仕令尹丁酉擢四川道

監察御史謫添註判官恤災剔暴百廢聿興政暇

輒召生徒講論不倦居三年陞南京兵部主事紹

興知府

幕屬宦蹟

吏目

明

萬曆

徐一貢寧國人由吏員十七年任精敏有才幹陞東

昌府照磨

崇禎

王嘉相陝西人十四年任

王師過永平授府經歷尋陞三司首領去

國朝

順治

張文欽字君明山陰人三年任公潔已愛民不擾獄

市八年遷常德幕父老童孺攀送經數日夕馬不


得行張欽數十里外信宿始克就道自來承尉所

未見者

五五五

三三三

三



田山湖入

珍貴圖書  
自來水

